

քահանայապետն Վրթանես երթեալ շրջեր առանձինն սակաւութիւն, կատարել զպատարագն արհնութեան: 12 Արդ որք միանգամ զհնութիւն կռապաշտութեան հեթանոսութեան զնոյն սովորութիւն¹ մինչեւ ցայնժամ եւս ունէին գաղտնի, ի մի միաբանութիւն ժողովեալք՝ հասանէին իբրեւ հազարք երկու, խորհուրդ եղեալ ընդ միմեանս՝ սպանանել զքահանայապետն Աստուծոյ զՎրթանես: 13 Բայց ունէին եւ սակաւ մի խորհուրդ համարձակութեան ի կնոջէ թագաւորէն՝ զայն գործել. վասն զի յանդիմաներ զնա սուրբն վասն գաղտնի շնութեան զիջութեան² բարոյից պոռնկութեան: 14 Եւ հասեալ պատէին զմեծ քաղաքորմն եկեղեցւոյն Աշտիշատու: 15 Մինչ դեռ նա ի ներքս մտեալ՝ զպատարագն կատարեր, արտաքուստ բազմազարուռն փակեալ պաշարել կամեցան: 16 Որոց առ հասարակ որք ի զնդին էին բազուկք իւրաքանչիւր՝ յետս դարձեալ ի վերայ իւրաքանչիւր թիկանց, առանց իրիք կապելոյ՝ սքանչելապէս կապեալ լինէին: 17 Այսպէս պաշարեալք ընկապճեալք գելեալք վանեալք կծկեալք, ամենեքեան առ հասարակ յերկիր անգեալք անբարբառ կային, անխաղաքք ի տեղւոջէն, որք էին տոհմք եւ ազգք աշխարհակերք աշխարաւերք ժանդագործք քրմացն: 18 Արդ այնպէս պաշարեալք, դիգեալ կային ամբոխն ի գաւթի եկեղեցւոյն. զորս ելեալ իւր իսկ ինքնին Վրթանես՝ մատուցեալ հարցաներ զնոսա, եթէ դուք ո՞րք էք, կամ ուստի՞ գայք, կամ զո՞ ինդրեք, կամ ուստի՞ եկիք: 19 Իսկ նոցա զարդարն սկսեալ խաւսել, խոստովան լինէին՝ եթէ եկաք զի ակերեսցուք զտեղիս, եւ զքեզ սպանցուք, հրամանաւ համարձակեալ ակնարկելով մեծին Յայոց տիկնոջն. այլ Տեր Աստուած զգաւրութիւնն իւր յայտնեաց, եւ եցոյց մեզ՝ թէ ինքն միայն է Աստուած. եւ այժմ ծանեաք եւ հաւատացաք՝ եթէ նա միայն է Աստուած: 20 Արդ այսպէս կամք արասիկ կծկեալք, զի եւ շարժել անգամ ոչ կարեմք ի տեղւոջէն: 21 Իսկ երանելին Վրթանես զբանն վարդապետութեանն ի մեջ առնոյր, հաստատեր զնոսա ի հաւատսն ի մի Տեր Յիսուս Զրիստոս, շատ ինչ խաւսեր ընդ նոսա: 22 Ապա աղաւթս մատուցաներ, եւ ինդրեր յԱստուծոյ, բժշկեր եւ արձակեր զնոսա յաներեւոյթ կապանացն եւ յանհնարին կծկութենէ տանջանացն: 23 Եւ նոքա իբրեւ փրկեցան յայնմանէ, ապա առ հասարակ անկանէին առաջի նորա, եւ ինդրէին ապաշխարութեան զդեղն. եւ նա տայր ժամանակ սահմանեալ ապաշխարութեան: 24 Եւ ուսեալք զհաւատսն միասնական Սուրբ Երրորդութեանն, եւ ապա մկրտեր իբրեւ հազարս երկուս, թո՛ղ զկանայս իւրեանց եւ զմանկտի. եւ այսպէս ի հաւատ խառնէր, եւ արձակէր սրբեալս եւ հաւատացեալս:

1 *Օրին. մի՛* սովորութեամբ

2 *Յոր. կծկութեան*